

卷二十六

翰林院編修孫星衍

同纂

偃師縣知縣湯毓偉

藝文志

明李興伊尹辨

伊尹生不經見帝王世記云伊尹生於空桑下地孟子云伊尹耕於有莘之野而樂堯舜之道註亦無明釋古郡志云生於空桑以伊尹爲姓一統志云空桑澗在嵩縣南有莘氏女采桑伊尹得子於空桑中長而相殷是

爲伊尹及攷開封陳留有莘野門有空桑城在縣南伊
尹母孕避水東走化爲空桑有莘氏採桑得嬰兒於其
中又曰伊尹生於伊水之上志人物旣於河南又於開
封志流寓又寓西安觀者疑之又有以盧氏莘川郃陽
莘國亦援以爲言者殊不知一爲神降於莘之地一爲
禹後受封之國與尹殊無干涉此無他皆自莘字中求
使其言然則鄭州之莘城莘縣之莘亭亦可以附會其
說矣矧地之相去如此其遠而尹之壽年無所攷假令
旣耕於此復耕於彼日亦不足矣格天之功託孤之重
何年而建耶俗傳之謬大率類此竊詳尹生夏末至金

已數千年嵩人世傳如田一口與前所云若合符契
旁稽載籍高古伊川地也縣之南有水曰伊卽生於伊
上因以爲姓者水之南有澗母空桑卽伊母所化桑女
得子於中者澗之東有澗曰莘樂卽所謂耕莘樂道三
使往聘者凡前所載歷歷有徵餘皆無之且其地有尹
祠歲時伏臘振古如茲正胡尚書潔列憲僉咸咏於
詩載於記二公學稱博必有的見今偃師西有尹墓
與嵩密邇又可見首邱反本古今通義由是言之伊尹
以水爲姓其生其耕必於嵩也明矣而一統志必備錄
之乃史傳疑常例在人自當明辨或以湯都亳尹相之

陳留乃其畿內首善之地也當時後世沐其膏澤慕其
桑梓好事者以故居名之之外猶周子濂溪實在營道後
居匡廬亦名其水濂溪理以然也抑古人志在四方禮
曰東西南北之人是已尹也或壯而遊老而休曾一寓
之摹寫故鄉之景以慰本澤之思亦未可知第生於伊
上姓於伊水樂於莘耕惟豈爲然餘不足論疑者乃曰
吾子之辨似然杞盧陳留皆廟而祀之何居曰大舜生
於諸馮遷於負夏而海南祀之孔明生於瑯琊寓於南
陽而巴蜀祀之兩程生於黃陂家於伊洛而南安祀之
蓋仰其休風思其遺化亦理之常耳凡此類者聖哲皆

然獨至於尹而疑之疑者又曰尹雖元聖亦人耳人
生於桑有諸曰元鳥降而生商巨蹟履而生周在古則
然矣故張子曰天地之始未嘗先有人也人自有而生
蓋天地之氣生之也蕪氏曰凡物之異於常物其
取天地之氣常多故其生也或異麒麟之生異於犬羊
龍之生異於魚鼈神人之生而異於人何足怪哉况
尹娠於母化爲空桑實非桑之所生也疑者憮然曰命
之矣有客過余草堂偶話及此因請筆之遂爲之辨

本集

攷

國朝郭楠卿偃師西境古蹟攷

人知偃師之西境隣於洛陽而不知洛陽之舊境實半縮於偃師蓋今偃之與洛其交界在故洛城之東乃古洛陽縣治之所居而茲爲偃師之所隸也原故洛城址卽古成周又曰下都周公之居東畢公之保釐東都

君陳之尹茲東郊胥在於此厥後敬王徙王城而都焉東漢魏晉及後魏胥因之其故洛城以西載在洛陽縣志不具論其城東之屬於偃按後魏撫軍司馬楊衒之撰洛陽伽藍記詳載官廡宅第等蹟有班班可考者其記京城之東有三門焉北頭第一漢曰上東門魏晉曰魏俱曰建春門卽今保駕穀水周廻至此門

石橋

卽今之石橋

南北而行後漢時其橋已

有石檻四柱在東西御道南銘云漢陽嘉四年將作大

匠馬憲造橋南卽中朝牛馬市

刑稽康之所

市西有龍華寺

寺南有租場乃中朝時常滿倉天下貢賦所聚蓄也橋

北大道西爲建陽里卽中朝時白杜地董威輦所居處

里內有中朝旗亭與道南租場相對又有瓔珞慈善暉

和通覺暉元宗聖魏昌熙平崇眞因果十寺而魏昌尼

寺在里東南角卽前所云牛馬市處也東爲綏民里里

內有洛陽縣前臨渠水門外有縣令楊機清德碑再東

爲崇義里里內有京兆人杜子休宅地勢顯敞門臨渠

水卽中朝時太康寺也係襄陽侯王濬所造後杜又捨

爲靈應寺崇義里東有七里橋以石爲之乃杜預之荆

州出頓之所也東一里郭門開三道號三門

按此當在溝口頭香

略一

離別者多云相送三門外京師士子送去迎歸多

在此建春門之次南漢曰東中門魏晉後魏俱曰東陽

門

卽今義井舖西城口

門外東西御道

卽今大路

北爲暉文里里內有

太上公寺乃魏胡太后爲其母秦太上君祈禱而立有

碑銘太上公寺在今寺裡碑村南此碑北屬洛陽南屬偃師

又有太保崔亢太傅李

延實冀州刺史李某秘書鄭道昭四宅延實宅是蜀主

劉禪故宅延實宅東有修和宅是吳主孫皓宅李某宅

劉禪故宅延實宅東有修和宅是吳主孫皓宅李其宅

空張華宅御道南與暉文里對爲敬義里

正寺南爲招德里

按此二里當在今之小灣村

里內有尙書僕射

御史尉李彪七兵書崔琳幽州刺史常景司農張

倫宅倫造景陽山

今石橋鎮西南有岡巋然或此地也

其中重巖複

嶺巖峯相屬深谿洞壑邈遠接士人遊者樂以忘歸

天水人姜質爲造亭山賦暉文里東爲東安里里有莊

嚴寺北爲租場有駙馬都尉司馬洗濟州刺史介宣幽

州刺史李真奴豫州刺史公孫驥四宅南頭之門漢曰

望京門魏晉後魏俱曰青陽門門外二里御道北曰孝

敬里

今當在宋家灣

里有平等寺寺門外金像一軀高二丈八

尺孝昌三年十二月中此像面有悲容兩目垂泪比邱

以綿拭之綿濕都盡三日乃止明年爾朱榮入洛陽誅

戮百官死亡塗地永安二年三月此像復汗五月北海

王入洛莊帝北巡七月北海王敗子弟五千盡被俘虜

永安三年七月此像復悲泣如初至十二月爾朱兆入

洛陽擒莊帝於晉陽孝敬里東有孝義里

在青陽門外三里御道北

今當在魚里西北角有蘓秦冢孝義里東卽洛陽小市

北有車騎將軍張景仁宅孝義里北殪貨里里有太常

民劉胡兄弟四人屠猪爲業永安年中殺猪猪忽唱乞

命卽捨宅爲歸覺寺普泰元年此寺金像生毛肩髻

其至明年廣陵被廢死由此觀之則故洛城之東獨
上公寺在寺裡碑村今猶爲洛陽之一區而其南之義
井舖北之保駕莊東之廟莊石橋鎮昔近洛郊者今皆
屬偃師之西境矣今由故洛城之舊址據寺裡碑之石
龕約前後左右而揆度之雖昔年景物盡歸烏有而敞
壘荒岑尙堪彷彿故表而出之以見桑梓之傍卽當年
之晉代衣冠而其同阿房而俱盡者且難辨古址之屬
於何代也

國朝劉青藜顏魯公墓考

偃師北里許世傳唐顏魯公墓在焉鞏令顏光昌公裔

孫也將樹碑以表之求文於予予歷覽傳記所載魯公
葬處言人人殊竊嘗疑焉按魯公以建中四年春正月
奉詔宣慰李希烈於汝州興元元年八月遇害其死事
本末通鑑綱目載之詳矣而歸葬則不之及舊唐書本
傳云希烈既僭號使閹奴等縊殺之淮泗平陳仙奇使
護喪歸京師新書子頽頽護喪遺帝廢朝五日亦不言
葬於何地一統志及輿圖諸書皆云墓在偃師又米芾
所紀南海寄書事亦云公塋在偃師北山博物志與此
頗同獨破壙之後鬚髮皆長尺餘與芾所謂棺已空者
則大異也蓋魯公之學問文章往往雜於浮屠神仙之

則大異也蓋魯公之學問文章往往雜於浮屠

世爲

誕怪恍惚之事以附益之而諸書述據

惟師之証不足信也元葛堯民謂魯公與臬卿墓在費諸浦里北山之陽明邵以仁二顏墓碑記亦云爾且以魯公十一世孫安上之徙祠爲証按徙祠在宋元祐六年詳職方員外郎曹輔記中以仁蓋本於堯民堯民又本於曹輔但云顏文忠公有廟在鄆鄆之費距縣五十里曰諸滿村安上以其僻遠徙置於河之東未嘗云墓在費也而堯民以仁遂迭相援引抑又誤矣唐令狐坦所撰魯公墓志云公以興元元年八月三日遇害於蔡州之永興寺貞元二年春蔡平冬十一月二旬有三嗣

子杓楊尉碩秘書省正字碩奉喪歸於萬年縣之舊原
詔有司具鼓吹羽儀送於墓所萬年縣卽今之咸寧魯
公世家於魯自其十六世祖盛徙瑯琊臨沂及之推官
周齊因居關中師古公五世祖也卒葬萬年志謂之舊
原者卽此地也碩碩奉喪還與新唐書正符而與舊書
陳仙竒還使護喪不同按仙竒以貞元二年夏四月殺
李希烈降秋七月爲其將所殺而魯公喪歸在冬十一
月則仙竒死五月矣當屬舊書誤也諸書旣多牴牾惟
墓志詳核又出同時之所撰述最爲可據以此知魯公
之墓斷爲萬年無疑也然所謂葬假舖者亦頗有說

父兄春卿者果卿之長兄也家廟碑云終於僊
云意其歿於此而葬於此焉而春與真其音相近傳聞
之訛不復加察遂指此若堂者爲魯公埋骨之所理或
然也然則鞏令之樹碑其可已乎曰否茲墓旣傳爲魯
公則萬年之墓且莫知爲誰氏矣又安知其不剪削磨
蕩爲平原也耶故爲詳辨其事俾勒石墓左使讀者有
以考而知焉

高陽山人集續

條議

糧儲驛鹽道溫必聯黃河水凍調撥榮澤縣驛馬協濟
榮陽鞏縣偃師三縣條議

頃奉札飭查黃河水凍調撥滎澤縣馬協濟滎陽鞏縣
偃師應差雖係相沿舊例但河凍究係如何難行滎偃
鞏三縣馬匹果否不敷必須協濟向於何日撤回查明
詳晰稟覆等因職道遵查豫省南北公文差使往來自
南來者由鄭州至滎澤渡河以達亢村驛自北來者由
新鄉至亢村驛渡河以達滎澤該處河身水淺流緩中
隔沙灘間段過渡每至嚴寒卽易冰凍不能行舟又非
連底堅冰難勝車馬踐碾必須由鄭州繞道滎陽鞏縣
偃師至孟津渡河歷孟縣河內修武獲嘉高唐新鄉
孟津渡口水深溜急向不凍結陸路雖覺迂迴然可以

時濟渡不致延所以速郵傳重差務也查該縣內修武獲嘉等驛有馬四十餘匹至五十餘匹不等自遇道尙數借應惟滎陽鞏縣偃師三縣額馬僅三十匹至三十二匹爲數甚少驟增南北兩路之差應付難免支絀案於康熙五十九年因黃河水凍臨時詳請協馬稽遲貽悞嗣後每年預請派撥協濟循行已久職道歷稽詳案雍正年間係每縣協馬十四匹調滎澤鄭州洛陽三處之馬分撥三縣亦有不調洛陽而調新安者自乾隆二年以後則統調滎澤馬三十匹分撥三縣其統調原委因從前科房雨水倒塌案卷霉爛不全無從